

剡源鄉志卷五

奉化趙霈濤 醉仙甫纂

村景

徧觀剡源譜牒大抵一村之中硬分八景或十景各系以詩其詩拉雜敷陳者居多率皆屬余採入鄉志余謂曾榮剡源八景詩序通就一邑而言剡中並無一景而皆足以增剡源之勝且我剡村落大者不下五十若一村八景將剡源有四百景矣不太多乎茲擇宋元以來詩詞之顯豁呈露風物宛然在目者列為村景

宋陳著三石村景四首

南陌耕雲脈脈東風吹雨斜斜流水滿邨春事炊煙隔

剡源鄉志

卷五 村景

一

岸人家 春

田舍灌苗戽水店家汲水施漿穉子清溪浴午老樵綠

樹休涼 夏

風生老樹飛葉雨過殘雲帶霞禾場牛臥落日漁邨鴉

起平沙 秋

雪霽山屏可畫風高雁字難書訪梅橋斷呼渡芟麥天

寒倚鋤 冬

陳著筠溪八景詩

巧奪西湖五姥峯架中時見挂長虹近聯霞彩箋呈錦

遙對巖牙筆露蹤翰墨雲煙來壁水丹青桃李出花叢
思承斗柄回春律待詔東封陟泰嶽

筆架文峯

中不老方石臺白戰幾多場登樓懽笑

姓氏香雲擁貔貅天地謐

馮試採取梅花插鬢芳

旗臺勝境

盛陽淑氣滿巖前誤認仙桃開洞天根老種傳王母顥
花嬌色映武陵田輝增晴旭香盈袖影落溪流錦障川
幾度遊山偏著眼世傳春信豈無緣

桃崖暄日

毓秀山根插翠峯如陵如阜起隆嵒堆高鹿苑冲銀漢

剡源鄉志

卷五

村景

二

積擬鉅橋跨玉虹斂厚難輸王廩粟歲豐長守大夫松
乾坤種此昭宏德陰濟鄉區皎髮翁

穀岫凌雲

一流瀑瀉九重天長挂如虹引洞仙巖壁鳧飛延歲月

石梁

竺譜梁
作潭

龍滾起雲煙滿山藥味增新色夾岸桃花

勝舊年愧我白頭登覽日詠歸賡韻信多緣

徐鳧蛟瀑

金猊擅藝寶筵開蓬海眞僧駕霧來講透精光圖上點
默收塵火座閒埋鉢龍靜聽金風細幢鶴驚聞唳月哀
莫道洞深無興會蓮花朵朵水晶臺

設僧龍湫

千金鑠鑠獨文身五德名標莫與羣振翼豈愁天色暝

曲頭如盼曙光新鳥穿竹韻窗談巧風捲塵嵐土 勤

見雞人

隴漏殘驚起侍朝臣

金雞報曙

評巖供詩料鷺飛形

片片白雲兩翼輕渚水靜觀清且淺蘆花

還興

鳶魚活潑天空闊信足長飛萬里程

玉鷺迎暉

元戴表元山中玩物雜言十首

時露下百草流螢此飛翻初如灰燼微忽作秋星繁念
彼生育處回光照其根君莫輕流螢流螢尚知恩

青橘霜露時英英秀中園間訊訊居人今歲胡不蕃云

剡源鄉志

卷五

村景

三

有孤兒來手觸枝上丸嗚呼此義木痛感在吾言
野果散高林雀鼠食之宜設非人所殘一顆不敢窺甯
由網罟防亦無神物司食道固當爾雀鼠猶有知
見狗須不走見蛇須拱手不走爾非偷拱手亦相厚無
欺物自信能勝誰肯負不見吳山虎郭文探其口
鳥有反舌者自古比讒人時氣一朝遷此舌竟不伸眾
鳥莫不然更鳴以存身如何能言士聒聒無止辰
犁牛有土德體厚靜綏綏豈無牝牡情不自求其雌終
朝草棧閒若忘渴與飢嗟彼位兒高乃爾難自持

精衛勇填海鷓旦苦求明明尚可得求填海何時成我
觀飛鳴族一一各有營但爲口腹謀遂爾遺其名
燕是孝義鳥常棲孝義家堂簷白日暖上下靜無譁以
此託軀羽禍福審不差誰云知數厯俗士義之夸
圃人憂孽蟲爲蔬畜雞雛小雞擇蟲啄大雞遂啄蔬蟲
去蔬亦盡對之可歎歔昂昂高冠幘反不小雞如
蚯蚓食土壤蚩蚩何所爲蝸蟬飲風露蛻上高高枝卑
者慕其仙飄飄安可追倘令智相極無羨亦無悲
又村莊雜詩十絕

剡源鄉志

卷五

村景

四

牛腰草深沸殘蛙鳥背天青明淡霞水村不知秋早晚
層層高樹芙蓉花

過時晚禾霜下白無數秋菊雨中黃借我山蔬酌清晝
輸他溪蓼作重陽

海魚油油腥且鮮江魚一觔三十錢野翁自漁溪浦上
亦有白鱗鋪滿船

沙鷗野鷺滄江千秋風翛翛煙水寒不辭低飛養羽翼
且莫忘戲翻波瀾

籬底碧玉數千根屋頭野花張錦雲安知爾非龐居士

不問我是李將軍

前村楮錢襖訓狐後村竹弓彈老烏道人無心問巫卜
任爾朝暮更嗚呼

看晴看雨早霞天占飽占飢秋月弦南翁糴糧議牛具
北客傳炊裝馬鞍

山村健婦勝丁男黃菊堆叢亦嬾簪自舂粟粃供母彘
旋摘桑葉飼原蠶

鄞塘烏菱刮勝酥龍潭紅薑如瓠壺水西社長時釀熟
有粟無粟且來沽

剡源鄉志

卷五

村景

五

春山苗長雉朝飛秋林葉稀烏夜嘯去年穀多窮次骨
今年穀少醉如泥

皇朝全祖望湖語節錄

若夫古今之評水者多矣其尚赤者我蓋未之前聞獨
剡源之五曲忽孕為丹霞之古文迅流成雷來歸於三
石之邨嫣然其色幾疑流火之可捫更有石壁之遙映
儼若剡羊之痕殺羊巖下有石壁即所云小赤壁也此亦大造之奇不可
以常理論而於湖則稍遠矣剡源九曲其第五曰丹山赤水即今之三石邨也絕

頂有朱書丹霞二字其流赤其聲如雷

豈意循城而左忽復遇之有流朱

殷和以焉支其光綺麗不可度思吾聞水流之伏行能
潛出而默移是南湖之涓涓者抑猶之金庭洞口之駢

支耶

金庭丹池說者以爲剡
源之伏流南湖亦然

毛潤石門竹枝詞

瓦屋高低兩岸遮四山影落半溪斜人煙起處春光好
開遍牆頭蝴蝶花

馬陸阮茶真箇良蘭花顏色茉莉香風爐瓦鼎清宵煮
呼取鄰家阿姆嘗

合邨婦女養蠶忙自去園林採嫩桑採得桑歸煮鴨卵

剡源鄉志

卷五

村景

六

背人偷祭馬頭娘

青黃梅子暖涼天七姊妹花開得鮮大麥已收收小麥
低田未種種高田

火斗松明猛似爐溪頭照得石斑魚魚儘肥鮮滋味好
賽過松江闊鯪鱸

八月小筍出短籬稻花蕈子半沾泥斲來稚葛長如藕
啖取黃瓜爽若梨

鄞郭晚香孝廉

傳璞

巖頭村景詩

靈弢同化工兩山巖然峙其一肖獅形髣髴目圓視其

一作象狀矼矼露石齒突兀鎖錢溪莊嚴有如此近接
東嶺濤吼聲中夜起高挹瑤光精勢鬪成巋巖金莪雪
竇外秀靈獨鍾是村仗雄踞威蹄跡遁虎兇陳戴鄉先
生遷勝定陟彼何時棹剡川杖策搜清綺

獅象對踞

我聞掘金牛鄴侯惠普洽茲井利吾鄉相沿幾塵劫蟲
蟲炎歊蒸縉縵濟困乏活水涵真源苔花古甃夾耿恭
拜辭勞梁鴻汲許狎品作中冷泉旗槍煮如法滌我煩
惱襟清風袖底嶠

古井靈泉

巖石嶙峋峙獅形誰削槩淙淙匯細流併響入空嵌

剡源鄉志

卷五

村景

七

風搏砰訇濤聲動地撼奔湍激餘怒相將勢欲啖始歎
造化奇文章謝彫鑿一邱與一壑勝槩有兼擘幽人此
結廬雅懷獲冲澹

獅巖吼濤

煙火萬家村村繞花與木一碧瀉中流截劃魚鱗屋探
梅沽春客胡以通往復雁齒雙橋橫倒沉虹影覆融融
流不去似弓驚鷗鷺紅雨落飛花波紋皺霧縠駕空傍
柳陰鶯歌送馳逐知有題柱者到此住車輻

雙橋壓虹

剡源竹枝詞三十首

剡曲艸堂稿

雍乾嘉道溯康熙土樸民靡極盛時一到咸同風氣變

綺羅花樣鬪新奇

小晦北溪法喜山年年禮拜似循環迎神賽會例常禁
官府原來作等閒

頭牌月鏡最當先絃管聲繁聽畫船十八聯燈增廿四
從今難道再多聯

扮來串客有高躄將去復回步步搖妾捉牙蟲郎勿顧
大家莫肯念奴嬌

燒香入廟本來多也有儒家老太婆郎愛讀書儂念佛
夫綱如此奈妻何

自稱妻曰內子謙稱曰賤內我剡士子四十以外竟有稱妻為老太婆者

剡源鄉志

卷五

村景

八

非祖母而妄尊之曰婆非曾祖母而妄尊之曰太婆而復效孔子之稱商賢大夫曰老不通甚矣

禱雨桑林被澤均虺蛇底事當龍神堪嗟鄉曲蚩蚩者
簇擁聖罇數百人

我剡請龍以蠓蜒田鷄鰻蟹與蛇名之曰龍置於罇中曰聖罇

秋收糯稻靠蓬窗無數農家酒一缸酌注杯中如白水
客來勸飲語雙雙

打降擒詐竹扛敲數十成羣似虎跑偏是讀書家子弟
一拳一骰會開交

新奉之交凡各村有事招之即來每名給錢四五百文來則動以數十計

客作黃巖力不懦
其人飯量本來麤一餐若煮蘇州
米反道不如陸穀糊

黃巖短幫動謂蘇州米不如陸穀糊之煖

山居勤儉問何如
半夜黃昏是起居
赤豆粥兼蕎麥麩
晚餐還有烤番薯

一罇芋苳喫完添
陸穀糊中不放鹽
問道君家何食淡
重頭二字莫憎嫌

閩幫台民上路停
闔鄉底事逐羶腥
草能算命人人識

興也澱青敗也青

閩人台人來剡種青不過三世三四十年前我剡絕無種青者以後愈推

愈廣幾乎無村不種每致折閱大抵中路自相阮以上前路深阮石門界嶺等處後路巖阮住嶺沈家巖等處猶可種之以其天氣較冷也此外慎無效尤 澱青名爲算命草

花迎十月亦奇哉
號斗都吹擡閣來
最是憲綱神轎後

剡源鄉志

卷五

村景

九

跟隨八九武秀才

故家門第舊烏衣
累葉素封未式微
多少聰明佳子弟
詩書不讀太奇希

剡源曲曲有留題
廟號如何額九溪
試聽文昌高閣上
讀書聲裏夕陽西

居住無僧善慶菴
有時權作玉龍龕
沈香菩薩稻花會
每在閏年六月三

最好生涯是布弓
一心想射大毛蟲
自傷又屢傷人命
可惜蚩蚩在夢中

貨郎擔子本輕鬆婦女叢中稱我儂攢尾搖頭多作熊
最難觀看是裁縫

五十年前忠厚家而今刻薄作生涯其中幸有扶持力
絲忽毫釐計較差

百家相約好撐簾水路生涯日日佳最壞兩三鴉片店
慣收賊貨住當街

泉流瀑布破聲聲血雪書虛話不清缺米一升一升出
店家買主苦相爭

高巖人云走到雪讀血竇山等一跌
讀雪都倒出了昔有人向亭下糴
米至家量過缺一升復至米店欲其補足云出一升
而店家以爲既出一升是你運氣何得饒舌此云出

剡源鄉志

卷五

村景

十

彼云出兩爭不下旁有聞之者曰彼地人以缺爲出
也或以爲飲千丈巖水所致其水破碎故話不靈清
耳

幾村牌九久名揚近日翻爲碼帳場可惜聰明皆誤用
不然一覺醒黃梁

堂建八元氣勢高當年士子亦文豪五場縣試留佳話

竹扁擔堪挑宋毛

當年縣試前茅每列毛竺宋三
姓曾有竹扁擔挑松毛之諺

自春雲確接紛紛竹價一斤祇半文食客座中常不斷

他鄉人說孟嘗君

盧宗孝先生性慷慨食客數
十人鄞慈鎮人稱爲小孟嘗

巖阮貓竹鬱森森早午負來松樹林兒在旁邊娘劈篾

阿爹打簞到更深

文昌傑閣鎖深巖一入其中地不凡前輩書名傳兩浙

自題伴石散人銜

毛玉佩先生匾字為兩浙之冠其書聯往往自署伴石山人

石門種植賽淇園最大值洋七八元尺六寸名棲鳳竹

五枝價作一枝論

棲鳳竹每枝洋一元四五角最大者新昌人買去作旗桿洋七八元

元代文章第一流剡源著作炳千秋而今質野堂何在

蔓草荒煙片土留

相傳花會出長興舉國若狂害不勝安得嚴明賢宰執

一番處置一番懲

剡源鄉志

卷五

村景 旅亭

十一

宋元人物盡衣冠不道至今繼起難小學幼時都不講

伊誰大力挽狂瀾

旅亭

附茶亭

入山亭 自沙隄往雪竇嶺之路自此始

宋僧鑿詩荒蕪行盡處幽亭聊暫止帶雨策孤筇登高從此始

明宋琰詩一亭西入梵王家百折千盤路轉賒山鳥似知來客意數聲啼上石楠花

國朝江迴入山亭觀羅公題額詩羅公隱吾鄉耿耿有奇節我來入山亭舉首見遺迹想見百憂時風骨猶

雄傑恐來此避地否或曾遊歷大筆揮淋漓光彩照善息至今留此山千秋不可滅姓氏著煌煌傳聞嗤

燕說

嵩東亭 在後董光緒二十一年邑人凌科三募建夏秋施茶

眾濟亭 在眾濟橋下與橋同建四季施茶

康嶺茶亭

休休亭 在西隅嶺麓道光中建置有田十畝光緒二十三年重建夏秋施茶二十四年康才穆張文標於亭外又建路亭三間

兩湖路亭 夏秋施茶

上蹕駐茶亭

剡源鄉志

卷五

旅亭 茶亭

十二

存心亭 近上蹕駐同治初趙月明募建夏秋施茶

六詔茶亭

水碓頭茶亭

謝婆嶺路亭

以上中路

眾樂亭 近斑溪

董家畝路亭

化紙爐路亭 在榆林巖頭之間

榆林茶亭

賽棠亭 距石門五里

霓橋路亭 在石門

周家嶺路亭

銀甌嶺路亭

竹嶺路亭 光緒九年張家甌毛恭寬恭元建

巖頭茶亭

張家嶺路亭

界嶺即寒峯嶺路亭

以上前路

高壘茶亭

會江亭 在亭下覆屋三間光緒八年里人沈賢卿張

剡源鄉志

卷五

旅亭 茶亭

十三

永清募資建夏秋施茶

隱雪亭 距亭下三里

樂水亭 在俞村

同善亭 在三折嶺之麓光緒二十二年里人沈賢卿

張永清募資建夏秋施茶

棲霞甌路亭

白壁嶺路亭

大晦嶺路亭二一在嶺巔一在嶺麓

住嶺茶亭

龍泉亭 距沈家巖五里

晦溪路亭

晦溪茶亭

梨洲路亭

以上後路

次男文量校字

剡源鄉志

卷五

旅亭 茶亭

十四